



文選正文

山子點

十  
五  
七

服部文庫  
イ17  
2066  
2



117  
2066  
2

文選正文卷之一

門人

南郭先生句讀

兼山先生國讀

葛山壽校

賦類

兩都賦序

班固

或曰賦者古詩之流也。昔成康沒而頌聲寢。王澤竭而詩不作。大漢初定日不暇給。至於武宣之世。乃崇禮官。考文章。內設金馬石渠之署。外興樂府協律之事。以興廢繼絕。潤色鴻業。是以衆庶悅豫。福應尤盛。白麟赤鴈。芝房寶鼎之歌。薦於郊廟。神雀五鳳。甘露黃龍之瑞。以爲年紀。故言語侍從之臣。若司馬相如。虞丘壽王。東方朔。枚臯。王褒。劉向之屬。朝夕論思。日昃獻納。而公卿大臣。御史大夫。倪寬。太常孔臧。大中大夫。



夫董仲舒宗正劉德太子大傅蕭望之等時時間作或以抒  
下情而通諷諭或以宣上德而盡忠孝雍容揄揚著於後嗣  
抑亦雅頌之亞也故孝成之世論而錄之蓋奏御者千有餘  
篇而後大漢之文章炳焉與三代同風且夫道有夷隆學有  
麤密因時而建德者不以遠近易則故臯陶歌虞奚斯頌魯  
同見采於孔氏列於詩書其義一也稽之上古則如彼考之  
漢室又如此斯事雖細然先臣之舊式國家之遺美不可闕  
也臣竊見海內清平朝廷無事京師修宮室浚城隍而起苑  
囿以備制度西土耆老咸懷怨思冀上之睠顧而盛稱長安  
舊制有陋洛邑之議故臣作兩都賦以極衆人之所眩曜折  
以今之法度辭曰

### 西都賦

有西都賓問於東都主人曰蓋聞皇漢之初經營也嘗有意  
乎都河洛矣輟而弗康寔用西遷作我上都主人聞其故而  
覩其制乎主人曰未也願賓摠懷舊之蓄念發思古之幽情  
博我以皇道弘我以漢京賓曰唯唯漢之西都在於雍州寔  
曰長安左據函谷二嶠之阻表以太華終南之山右界褒斜  
隴首之險帶以洪河涇渭之川歟流之隈汎涌其西華實之  
毛則九州之上腴焉防禦之阻則天地之隩區焉是故橫被  
六合三成帝畿周以龍興秦以虎視及至大漢受命而都之  
也仰悟東井之精俯協河圖之靈奉春建築雷侯演成天人  
合應以發皇明乃眷西顧寔惟作京於是晞秦嶺眺北阜挾

灑灑擗龍晉圖皇基於億載度宏規而大起肇自高而終平  
世增飾以崇麗歷十二之延祚故窮泰而極侈建金城之萬  
雉呀周池而成淵披三條之廣路立十二之通門內則街衢  
洞達閭閻且千九市開場貨別隧分人不得顧車不得旋闕  
城溢郭旁流百塵紅塵四合煙雲相連於是旣庶且富娛樂  
無疆都人士女殊異乎五方遊士擬於公侯列肆侈於姬姜  
鄉曲豪舉遊俠之雄節慕原嘗名亞春陵連交合衆騁驚乎  
其中若乃觀其四郊浮遊近縣則南望杜霸北眺五陵名都  
對郭邑居相承英俊之域紱冕所興冠蓋如雲七相五公與  
乎州郡之豪傑五都之貨殖三選七遷充奉陵邑蓋以強幹  
弱枝隆上都而觀萬國也封畿之內厥土千里卓犖諸夏兼

其所有其陽則崇山隱天幽林窮谷陸海珍藏藍田美玉商  
洛緣其隈郭杜濱其足源泉灌注陂池交屬竹林果園芳草  
甘木郊野之富號爲近蜀其陰則冠以九嶷陪以甘泉乃有  
靈宮起乎其中秦漢之所極觀淵雲之所頌歎於是乎存焉  
下有鄭白之沃衣食之源提封五萬疆場綺分溝塍刻鏤原  
隰龍鱗決渠降雨荷插成雲五穀垂穎桑麻鋪茶東郊則有  
通溝大漕潰渭洞河泛舟山東控引淮湖與海通波西郊則  
有上囿禁苑林麓藪澤陂池連乎蜀漢繚以周牆四百餘里  
離宮別館三十六所神池靈沼往往而在其中乃有九真之  
麟大宛之馬黃支之犀條枝之鳥隄峴崙越巨海殊方異類  
至於三萬里其宮室也體象乎天地經緯乎陰陽據坤靈之

正位放大紫之圓方樹中天之華闕豐冠山之朱堂因瓌材  
而究奇抗應龍之虹梁列芬楹以布翼荷棟桴而高驥雕玉  
填以居楹裁金壁以飾璫發五色之渥彩光焰朗以景彰於  
是左城右平重軒三階閨房周通門闥洞開列鐘虞於中庭  
立金人於端闈仍增崖而衡闔臨峻路而啓扉徇以離宮別  
寢承以崇臺間館煥若列宿紫宮是環清涼宜溫神仙長年  
金華玉堂白虎麒麟區宇若茲不可殫論增盤崔嵬登降炤  
爛殊形詭制每各異觀乘茵步輦惟所息宴後宮則有掖庭  
椒房后妃之室合歡增城安處常寧萑若椒風披香發越蘭  
林蕙草鴛鴦飛翔之列昭陽特盛隆於孝成屋不呈材牆不  
露形衰以藻繡絡以綸連隨侯明月錯落其間金釭銜璧是

釭 釭 釭  
釭 釭 釭  
釭 釭 釭

爲列錢翡翠火齊流輝含英懸黎垂棘夜光在焉於是玄墀  
釭砌玉階彤庭硬碱綵緻琳珉青熒珊瑚碧樹周阿而生紅  
羅颯纏綺組繽紛精曜華燭俯仰如神後宮之號十有四位  
窈窕繁華更盛迭貴處乎斯列者蓋以百數左右庭中朝堂  
百寮之位蕭曹魏邴謀謨乎其上佐命則垂統輔翼則成化  
流大漢之愷悌盪亡秦之毒螫故令斯人揚樂和之聲作畫  
一之歌功德著乎祖宗膏澤洽乎黎庶右有天祿石渠典籍  
之府命夫惇誨故老名儒師傅講論乎六藝稽合乎同異又  
有承明金馬著作之庭大雅宏達於茲爲羣元元本本殫見  
洽聞啓發篇章披理祕文周以鈞陳之位衛以嚴更之署總  
禮官之甲科羣百郡之廉孝虎賁贅衣闈尹闈寺陛戟百重

各有典司。周廬千列。微道綺錯。輦路經營。脩除飛閣。自未央而連桂宮。北彌明光。而且長樂。陵塏道而超西墉。混建章而麗巧。而聳摧張。千門而立。萬戶順陰陽。以開闔爾。乃正殿崔嵬。層構厥高。臨乎未央。經驗盪而出。馭娑洞枌。詣以與天梁。上反宇以蓋戴。激日景而納光。神明鬱其特起。遂偃蹇而上。躋軼雲雨於太半。虹霓迴帶於焚楣。雖輕迅與僂狡。猶憚貽而不能階。攀井幹而未半。日眩轉而意迷。捨橋檻而却倚。若顛墜而復稽。覓怳怳以失度。巡迴塗而下低。既懲懼於登望。降周流以徬徨。步甬道以縈紆。又杳窳而不見。陽排飛闥而上。出若遊目於天表。似無依而洋洋。前唐中而後太液。覽滄

塏於害

物於友

海之湯湯。揚波濤於碣石。激神嶽之嵒嵒。濫瀛洲與方壺。蓬萊起乎中央。於是靈草冬榮。神木叢生。巖峻峭崿。金石崢嶸。抗仙掌以承露。擢雙立之金莖。軼埃塏之混濁。鮮頽氣之清英。騁文成之不誕。馳五利之所刑。庶松喬之羣類。時遊從乎斯庭。實列仙之攸館。非吾人之所寧。爾乃盛娛遊之壯觀。奮表武乎上圉。因茲以威戎。夸狄耀威靈。而講武事。命荊州使起烏詔。梁野而驅獸。毛羣內闐。飛羽上覆。接翼側足。集禁林而屯聚。水衡虞人。修其營表。種別羣分部。曲有署。罽網連絃。籠山絡野。列卒周匝。星羅雲布。於是乘鑾輿。備法駕。帥羣臣披飛廉。入苑門。遂繞鄠鄠。歷上蘭。六師發逐。百獸駭殫。震震爍爍。雷奔電激。草木塗地。山淵反覆。蹂躪其十二三。乃初怒

而少息爾乃期門伏飛列刃攢鏃要訣追蹤鳥驚觸絲獸駭  
值鋒機不虛倚弦不再控矢不單殺中必疊雙鸞颯紛紛增  
繳相纏風毛雨血灑野蔽天平原赤勇士厲後狄失木豺狼  
懾竄爾乃移師趨險竝蹈潛穢窮虎奔突狂兇觸蹶許少施  
巧秦成力折倚標狡扼猛噬脫角挫脰徒搏獨殺挾師豹拖  
熊螭曳犀犛頓象罷超洞壑越峻崕蹶巖巖巨石頽松栢仆  
叢林摧草木無餘禽獸殄夷於是天子乃登屬玉之館歷長  
楊之榭覽山川之體勢觀三軍之殺獲原野蕭條目極四裔  
禽相鎮壓獸相枕藉然後收會會衆論功賜胙陳輕騎以行  
魚騰酒車以斟酌割鮮野食舉烽命爵饗賜畢勞逸齊大輅  
鳴鑾容與徘徊集乎豫章之宇臨乎昆明之池左牽牛而右

織女似雲漢之無涯茂樹蔭蔚芳草被隄蘭茝發色嶙嶙猗  
猗若摘錦與布繡燭耀乎其陂鳥則玄鶴白鷺黃鸝鸚鵡  
鴟鵂鴝鵒鳧鷖鴻鴈朝發河海夕宿江漢沈浮往來雲集霧散  
於是後宮乘輶輅登龍舟張鳳蓋建華旗祛黼帷鏡清流靡  
微風澹淡浮權女謳鼓吹震聲激越警厲天鳥羣翔魚窺淵  
招白鵬下雙鵠掄文竿出比目撫鴻量御增繳方舟竝鷺俛  
仰極樂遂乃風舉雲搖浮遊溥覽前乘秦嶺後越九峻東薄  
河華西涉岐雍宮館所歷百有餘區行所朝夕儲不改供禮  
上下而接山川究休佑之所用采遊童之歡謠第從臣之嘉  
頌於斯之時都都相望邑邑相屬國籍十世之基家承百年  
之業士食舊德之名氏農服先疇之畝畝商脩族世之所鬻

工用高曾之規矩。粲乎隱隱，各得其所。若臣者，徒觀迹於舊墟，聞之乎故老，十分未得其一端，故不能徧舉也。

### 東都賦

東都主人喟然而歎曰：痛乎！風俗之移人也。子實秦人，矜誇館室，保界河山，信識昭襄而知始皇矣。夫覩大漢之云爲乎？夫大漢之開元也，奮布衣以登皇位，由數筭而創萬代，蓋六籍所不能談，前聖靡得而言焉。當此之時，功有橫而當天，討有逆而順民，故婁敬度勢而獻其說，蕭公權宜而拓其制。時豈泰而安之哉？計不得以已也。吾子曾不是，睹顧曜後嗣之末造，不亦暗乎？今將語子以建武之治，永平之事，監於太清，以變子之惑志。往者王莽作逆，漢祚中缺，天人致誅，六合相

滅。于時之亂，生民幾亡，鬼神泯絕，壑無完柢，邪罔遺室，原野厭人之肉，川谷流人之血。秦項之災，猶不克半。書契以來，未之或紀。故下人號而上訴，上帝懷而降監，乃致命乎聖皇。於是聖皇乃握乾符，闡坤珍，披皇圖，稽帝文，赫然發憤，應若興雲，霆擊昆陽，憑怒雷震，遂超大河，跨北嶽，立號高邑，建都河洛。紹百王之荒屯，因造化之盪滌，體元立制，繼天而作。系唐統，接漢緒，茂育羣生，恢復疆宇，勳兼乎在昔，事勤乎三五。豈特方軌並跡，紛綸后辟，治近古之所務，蹈一聖之險易云爾。且夫建武之元，天地革命，四海之內，更造夫婦，肇有父子，君臣初建，人倫寔始。斯乃伏羲氏之所以基皇德也，分州土立市朝，作舟輿，造器械，斯乃軒轅氏之所以開帝功也。龔行天



罰應天順人斯乃湯武之所以昭王業也遷都改邑有殷宗  
中興之則焉即土之中有周成隆平之制焉不階尺土一人  
之柄同符乎高祖克已復禮以奉終始允恭乎孝文憲章稽  
古封岱勒成儀炳乎世宗按六經而按德眇古昔而論功仁  
聖之事既該而帝王之道備矣至於永平之際重熙而累洽  
盛三雍之上儀修袞龍之法服鋪鴻藻信景鑠揚世廟正雅  
樂神人之和允洽羣臣之序既肅乃動大輅遵皇衢省方巡  
狩窮覽萬國之有無考聲教之所被散皇明以燭幽然後增  
周舊修洛邑扇巍巍顯翼翼光漢京於諸夏總八方而為之  
極是以皇城之內宮室光明闕庭神麗奢不可踰儉不能侈  
外則因原野以作苑填流泉而為沼發蘋藻以潛魚豐園草

澶音揮  
其澶

輕臣作輪  
遞徒禮反

以毓獸制同乎梁鄒誼合乎靈囿若乃順時節而蒐狩簡車  
徒以講武則必臨之以王制考之以風雅歷騶虞覽駟職嘉  
車攻采吉日禮官整儀乘輿乃出於是發鯨魚鏗華鐘登玉  
輅乘時龍鳳蓋萃麗龢鑿玲瓏天官景從寢威盛容山靈護  
野屬御方神雨師泛灑風伯清塵千乘雷起萬騎紛紜元戎  
竟野戈鋌彗雲羽旄掃霓旌旗拂天焱焱揚光飛文吐  
爛生風飲野歆山日月為之奪明丘陵為之搖震遂集乎中  
囿陳師案屯駢部曲列按隊勒三軍誓將帥然後舉烽伐鼓  
申令三驅輕車霆激驍騎電驚由基發射范氏施御弦不蹶  
禽響不詭遇飛者不及翔走者不及去指顧倏忽獲車已實  
樂不極盤殺不盡物馬踰餘足士怒未涼先驅復路屬車按

節於是薦三犧效五牲禮神祇懷百靈觀明堂臨辟雍揚緝熙宣皇風登靈臺考休徵俯仰乎乾坤參象乎聖躬目中夏而布德瞰四裔而抗稜西盪河源東澹海濶北動幽崖南曜朱垠殊方別區界絕而不鄰自孝武之所不征孝宣之所未臣莫不陸轡水慄奔走而來賓遂綏哀牢開永昌春王三朝會同漢京是日也天子受四海之圖籍膺萬國之貢珍內撫諸夏外綏百蠻爾乃盛禮興樂供帳置乎雲龍之庭陳百寮而贊羣后究皇儀而展帝容於是庭實千品旨酒萬鍾列金罍班玉觴嘉珍御太牢饗爾乃食舉雍徹太師奏樂陳金石布絲竹鐘鼓鏗鉤管絃擘煜抗五聲極六律歌九功舞八佾韶武備泰古畢四夷間奏德廣所及傑侏毘離因不具集萬

樂備百禮暨皇歡浹羣臣醉降烟燭調元氣然後撞鐘告罷百僚遂退於是聖上親萬方之歡娛又沐浴於膏澤懼其侈心之將萌而怠於東作乃申舊章下明詔命有司班憲度昭節儉示太素去後宮之麗飾損乘輿之服御抑工商之淫業興農桑之盛務遂令海內棄末而反本背僞而歸真女修織紉男務耕耘器用陶匏服尚素玄耻纖美而不服賤奇麗而不珍捐金於山沈珠於淵於是百姓滌瑕盪穢而鏡至清形神寂寞耳目不營嗜欲之源滅廉耻之心生莫不優游而自得玉潤而金聲是以四海之內學校如林庠序盈門獻酬交錯俎豆莘莘下舞上歌蹈德詠仁登降飫宴之禮既畢因相與嗟歎玄德讜言弘說咸含和而吐氣頌曰盛哉乎斯世今

論者但知誦虞夏之書詠殷周之詩講義文之易論孔氏之  
春秋罕能精古今之清濁究漢德之所由唯子頗識舊典又  
徒馳騁乎末流溫故知新已難而知德者鮮矣且夫僻界西  
戎險阻四塞修其防禦孰與處乎土中平夷洞達萬方輻輳  
秦嶺九峻涇渭之川曷若四瀆五嶽帶河沂洛圖書之淵建  
章甘泉館御列仙孰與靈臺明堂統和天人太液昆明鳥獸  
之囿曷若辟雍海流道德之富游俠踰侈犯義侵禮孰與同  
履法度翼翼濟濟子徒習秦阿房之造天而不知京洛之有  
制識函谷之可關而不知王者之無外主人之辭未終西都  
賓饗然失容逡巡降階揅然意下捧手欲辭主人曰復位今  
將授子五篇之詩賓既卒業乃稱曰美哉乎斯詩義正乎揚

明堂詩

雄事實乎相如匪唯主人之好學蓋乃遭遇乎斯時小子狂  
簡不知所裁既聞正道請終身而誦之其辭曰  
於昭明堂明堂孔陽聖皇宗祀穆穆煌煌上帝宴饗五位時  
序誰其配之世祖光武普天率土各以其職猗歟緝熙允懷  
多福

辟雍詩

乃流辟雍辟雍湯湯聖皇涖止造舟爲梁皤皤國老乃父乃  
兄抑抑威儀孝友光明於赫太上示我漢行洪化唯神永觀  
厥成

靈臺詩

惟

乃經靈臺靈臺既崇帝勤時登爰考休徵三光宣精五行布  
序習習祥風祁祁甘雨百穀蓁蓁庶草蕃廡屢惟豐年於皇  
樂胥

寶鼎詩

嶽修貢兮川效珍吐金景兮歆浮雲寶鼎見兮色紛紜煥其  
炳兮被龍文登祖廟兮享聖神昭靈德兮彌億年

白雉詩

啟靈篇兮披瑞圖獲白雉兮效素鳥嘉祥阜兮集皇都發皓  
羽兮奮翹英容潔朗兮於淳精彰皇德兮侔周成永延長兮  
膺天慶

西京賦

張衡

編  
早  
編  
反

有憑虛公子者心姿體狀雅好博古學乎舊史氏是以多識  
前代之載言於安處先生曰夫人在陽時則舒在陰時則慘  
此牽乎天者也處沃土則逸處瘠土則勞此繫乎地者也慘  
則慙於歡勞則褊於惠能違之者寡矣小必有之大亦宜然  
故帝者因天地以致化兆民承上教以成俗化俗之本有與  
推移何以覈諸秦據雍而強周卽豫而弱高祖都西而秦光  
武處東而約政之興衰常由此作先生獨不見西京之事歟  
請爲吾子陳之漢氏初都在渭之浹秦里其朔寔爲咸陽左  
有崤函重險桃林之塞綴以二華巨靈負高掌遠蹠以流  
河曲厥跡猶存右有隴坻之隘隔閔華戎岐梁汧雍陳寶鳴  
雞在焉於前則終南太一隆岷崔嵬隱嶰鬱律連岡乎蟠冢

燕  
之  
石  
反

抱杜含鄠飲灑吐鎬爰有藍田珍玉是之自出於後則高陵  
平原據渭踞涇澶漫靡迤作鎮於近其遠則有九峻甘泉涸  
陰沍寒日北至而含凍此焉清暑爾乃廣衍沃野厥田上上  
寔為地之奧區神臯昔者大帝悅秦繆公而覲之饗以鈞天  
廣樂帝有醉焉乃為金策錫用此土而翦諸鶉首是時也並  
為強國者有六然而四海同宅西秦豈不詭哉自我高祖之  
始入也五緯相汁以旅於東井婁敬委輅幹非其議天啓其  
心人基之謀及帝圖時意亦有慮乎神祇宜其可定以為天  
邑豈伊不虔思於天衢豈伊不懷歸於枌榆天命不滔疇敢  
以渝於是量徑輪考廣袤經城瀍營郭郭取殊裁於八都豈  
稽度於往舊爾乃覽秦制跨周法狹百堵之側陋增九筵之

切与御古字通

迫脅正紫宮於未央表堯闕於閭闔疏龍首以抗殿狀鬼戕  
以岌業亘雄虹之長梁結焚燎以相接帶倒茄於藻井披糾  
葩之狎獵飾華棖與璧璫流景曜之曄曄彫楹玉礪繡栴雲  
楣三階重軒鏤檻文櫨右平左城青瑣丹墀刊層平堂設坊  
厓隙坻嶠鱗眴棧嶮嶮嶮襄岸夷塗脩路峻險重門襲固姦  
宄是防仰福帝居陽曜陰藏洪鐘萬鈞猛虞邁邁負筍業而  
餘怒乃奮翅而騰驤朝堂承東溫調延北西有玉臺聯以昆  
德差我寔業罔識所則若夫長年神仙宣室玉堂麒麟朱鳥  
龍興含章譬眾星之環極叛赫戲以輝煌正殿路寢用朝羣  
辟大厦耽耽九戶開闢嘉木樹庭芳草如積高門有闕列坐  
金狄內有常侍謁者奉命當御外有蘭臺金馬遞宿迭居次

文選正文 卷之十一 十七

有天祿石渠校文之處。重以虎威章溝嚴更之署。微道外周  
千廬內附。衛尉八屯。警夜巡晝。植鍛懸敵。用戒不虞。後宮則  
昭陽飛翔。增成合歡。蘭林披香。鳳凰鴛鴦。羣窈窕之華麗。嗟  
內顧之所觀。故其館室次舍。采飾纖縟。衰以藻繡。文以朱綠。  
翡翠火齊。絡以美玉。流懸黎之夜光。綴隨珠以爲燭。金卮玉  
階。彤庭輝輝。珊瑚琳碧。瑤珉璘彬。珍物羅生。煥若崑崙。雖厥  
裁之不廣。侈靡踰乎至尊。於是鉤陳之外。閣道穹隆。屬長樂  
與明光。徑北通于桂宮。命般爾之巧匠。盡變態乎其中。於是  
後宮不移。樂不徙。懸門衛供帳。官以物辦。恣意所幸。下輦成  
燕窮年。忘歸。猶弗能徧。瑰異日新。殫所未見。惟帝王之神麗。  
懼尊卑之不殊。雖斯宇之旣坦。心猶憑而未據。思比象於紫

微恨阿房之不可廬。隕往昔之遺館。獲林光於秦餘。處甘泉  
而爽塏。乃降崇而弘敷。旣新作於迎風。增露寒與儲胥。託喬  
基於山岡。直帶霓以高居。通天眇以竦峙。徑百常而莖擢。上  
辨華以交紛。下刻削其若削。翔鸞仰而弗逮。况青鳥與黃雀。  
伏櫺檻而頻聽。聞雷霆之相激。栢梁旣災。越巫陳方。建章是  
經。用厭火祥。營宇之制。事兼未央。園闕竦以造天。若雙碣之  
相望。鳳騫翥於薨標。咸逆風而欲翔。閭闔之內。別風嶢嶢。何  
工巧之瑰瑋。交綺豁以疏寮。干雲霧而上達。狀亭亭以岩岩。  
神明崛其特起。井幹疊而百增。峙遊極於浮柱。結重欒以相  
承。累層構而遂躋。望北辰而高興。消霧埃於中宸。集重陽之  
清澂。瞰宛虹之長鬢。察雲師之所憑。上飛闥而仰眺。正觀瑤

光與玉繩將乍往而未半休悼慄而聳兢非都盧之輕趨孰  
 能超而究升馭姿駘盪熹鼻栝桀枌詣承光睽眾瘳豁增桴  
 重勞錫錫列列反宇業業飛檐轆轤流景內照引曜日月天  
 梁之宮寔開高闈旗不脫局結駟方斬標輻輕鷺容於一扉  
 長廊廣廡連閣雲蔓開庭詭異門千戶萬重閨幽闔轉相逾  
 延望窳窳以徑廷眇不知其所返既乃珍臺蹇產以極壯澄  
 道邈倚以正東似閬風之遐坂橫西洫而絕金墉城尉不弛  
 析而內外潛通前開唐中彌望廣濶顧臨太液滄池萍沲漸  
 臺立於中央赫昭昭以弘敞清淵洋洋神山峩峩列瀛洲與  
 方丈夾蓬萊而駢羅上林岑以壘巖下嶄巖以崑崙長風激  
 於別階起洪濤而揚波浸石菌於重涯濯靈芝以朱柯海若

游於玄渚鯨魚失流而蹉跎於是采少君之端信庶樂大之  
 貞固立修莖之仙掌承雲表之清露屑瓊藥以朝餐必性命  
 之可度美往昔之松喬要羨門乎天路想升龍於鼎湖豈時  
 俗之足慕若歷世而長存何遽營乎陵墓徒觀其城郭之制  
 則旁開三門參塗夷庭方軌十二街衢相經塵里端直甍宇  
 齊平北闕甲第當道直啓程巧致功期不隨陔木衣綿錦土  
 被朱紫武庫禁兵設在蘭綺匪石匪董疇能宅此爾乃廓開  
 九市通闈帶闈旗亭五重俯察百隧周制大胥今也惟尉瓌  
 貨方至鳥集鱗萃鬻者兼贏求者不匱爾乃商賈百族禪販  
 夫婦鬻良雜苦蚩眩邊鄙何必昏於作勞邪羸優而足恃彼  
 肆人之男女麗美奢乎許史若夫翁伯濁質張里之家擊鐘





初救反

伏木棲寓居穴託起彼集此霍繹紛泊在彼靈囿之中前後  
無有垠罅虞人掌焉為之營域焚萊平場柞木翦棘結且百  
里遠杜蹊塞麇鹿麇麇駢田偏仄天子乃駕雕軫六駿駁戴  
翠帽倚金較璿弁玉纓遺光儵爚建玄弋樹招搖棲鳴鳶曳  
雲梢弧旌枉矢虹旃蜺旄華蓋承辰天畢前驅千乘雷動萬  
騎龍趨屬車之遙載獫狁獯匪惟翫好迺有秘書小說九百  
本自虞初從容之求寔俟寔儲於是蚩尤秉鉞奮鬣被般禁  
禦不若以知神姦臙魅蝮蝮莫能逢旃陳虎旅於飛廉正壘  
壁乎上蘭結部曲整行伍燎京新賦雷鼓縱獵徒赴長莽迺  
卒清候武士赫怒緹衣韎韐睚眦拔扈光炎燭天庭躑聲震  
海浦河渭為之波盪吳嶽為之咆堵百禽悽遽駭瞿奔觸喪

罕

居良反

古大反

精亡覓失歸志趨投輪關輻不邀自遇飛罕瀟洳流鏑擣  
矢不虛舍鉞不苟躍當足見蹶值輪被轢僵禽斃獸爛若積  
礫但觀且羅之所縉結竿受之所捏畢義族之所攬捫徒搏  
之所撞秘白日未及移晷已獮其十七八若夫遊鷗高聳絕  
阮踰斥鬣兔聯猿陵巒超壑比諸東郭莫之能獲乃有迅羽  
輕足尋景追括鳥不暇舉獸不得發青骹擊於鞞下韓盧噬  
於練未及其猛毅髮鬚隅目高睚威懾兕虎莫之敢抗乃使  
中黃之士育獲之儔朱鬣鬣植髮如竿袒裼戟手奎踞盤  
桓鼻赤象圈巨挺擅狒狒批獫狁措枳落突棘藩梗林為之  
靡拉櫟叢為之摧殘輕銳僥狡趨捷之徒赴洞穴探封狐陵  
重巘獵昆駘杪木末獲獬胡超殊榛帶飛鹿是時後宮嬖人

杜對反

文選正文

卷之十一

苦臥反

昭儀之倫常亞於乘輿慕賈氏之如臯樂北風之同車盤于  
遊畋其樂只且於是鳥獸殫目觀窮遷延邪睨集乎長楊之  
宮息行夫展車馬收禽舉齒數課衆寡置互擺牲頒賜獲鹵  
割鮮野饗犒勤賞功五軍六師千列百重酒車酌醴方駕授  
饗升觴舉燧既醕鳴鐘膳夫馳騎察貳廉空炙魚鰈清醑鼓  
皇恩溥洪德施徒御悅士忘罷巾車命駕廻旆右移儀伴乎  
五柞之館旋憇乎昆明之池登豫章簡矰紅蒲且發弋高鴻  
挂白鶴聯飛龍磻不特絳往必加雙於是命舟牧爲水嬉浮  
鷁首翳雲芝垂翟葆建羽旗齊棹女縱櫂歌發引和技鳴葭  
奏淮南度陽時感河馮懷湘娥驚蜩蝻憚蛟蛇然後釣魴鱧  
纒鰓鮒撫紫貝搏耆龜益水豹罽潛牛澤虞是濫何有春秋

望音櫻

麗音鹿

語居反

呼月山音心

鈔音先

適膠解搜川濱布九設望麗操鯤鮪殄水族藻藕拔蜃蛤  
剝逞欲畋鮫獲麋麋膠蓼泮浪乾池滌藪上無逸飛下無  
遺走獲胎拾卵蚺蜥盡取取樂今日遑恤我後既定且寧焉  
知傾輓大駕幸乎平樂之館張甲乙而襲翠被攢珍寶之玩  
好紛瑰麗以多靡臨迥望之廣場程角觝之妙戲鳥獲扛鼎  
都盧尋樟衝狹鷲濯胷突鈔鋒跳九劍之揮霍走索上而相  
逢華嶽峩峩岡巒參差神木靈草朱實離離總會仙倡戲豹  
舞羆白虎鼓瑟蒼龍吹篴女娥坐而長歌聲清暢而蛟蛇洪  
湓立而指麾被毛羽而織禮度曲未終雲起雪飛初若飄飄  
後遂霏霏復陸重閣轉石成雷礚礚激而增響磅礅象乎天  
威巨獸百尋是爲蔓延神山崔巍欬從背見熊虎升而挈攬

文選正文卷之十一

冊七

猿狄超而高接。惟獸陸梁。人雀陵峻。白象行孕。垂鼻麟轄。海  
鱗變而成龍。狀踔踔以蝘蝘。舍利颺颺。化爲仙車。驪駕四鹿。  
芝蓋九葩。蟾蜍與龜。水人弄蛇。奇幻儵忽。易貌分形。吞刀吐  
火。雲霧杳冥。畫地成川。流涇通涇。東海黃公。赤刀粵祝。冀厭  
白虎。卒不能救。挾邪作蠱。於是不售。爾乃建戲車。樹修旃。偃  
僮逞材。上下翩翻。突倒投而跟絀。譬殞絕而復聯。百馬同轡。  
騁足並馳。橦末之伎態。不可彌尋。弓射乎西羌。又顧發乎鮮  
卑。於是衆變盡心。醒醉盤樂。極悵懷。孳陰戒期。門微行要。屈  
降尊就卑。懷璽藏紱。便旋閭閻。周觀郊遂。若神龍之變化。彰  
后皇之爲貴。然後歷掖庭。適歡館。捐衰色。從嫵婉。促中堂之  
匿坐。羽觴行而無算。祕舞更奏。妙材騁伎。妖蠱豔夫。夏姬美

履善本作

歡

木音根 松都禮

聲暢於虞氏。如徐進而羸形。似不任乎羅綺。嚼清商而却轉。  
增婢媚以此。紛縱體而迅赴。若驚鶴之羣罷。振朱履於盤  
樽。奮長袖之颯纒。要紹修態。麗服颺菁。昭流盼一顧。傾城  
展季。桑門誰能不營。列爵十四。競媚取榮。盛衰無常。惟愛所  
丁。衛后典於鬢髮。飛燕寵於體輕。爾乃逞志究欲。窮身極娛。  
鑒戒唐詩。他人是媮。自君作故。何禮之拘。增昭儀於婕妤。賢  
旣公而又侯。許趙氏以無上。思致董於有虞。王閔爭於坐側。  
漢載安而不渝。高祖創業。繼體承基。誓勞永逸。無爲而治。耽  
樂是從。何慮何思。多歷年所。二百餘基。徒以地沃野豐。百物  
殷阜。巖險周固。襟帶易守。得之者強。據之者久。流長則難竭。  
祗深則難朽。故奢泰肆情。而馨烈彌茂。鄙生生乎三百之外。

文選正文 卷之二

月八

傳聞於未聞之者。曾髣髴其若夢。未一隅之能。觀此何與於  
殷人。屢遷前八。而後五。居相圯。耿不常。厥土盤庚。作誥帥人。  
以若。方今聖上。同天號于帝皇。掩四海而爲家。富有之業。莫  
我大也。徒恨不能以靡麗爲國華。獨儉嗇以齷齪忘蟋蟀之  
謂。何豈欲之而不能將能之。而不欲歟。蒙竊惑焉。願聞所以  
辯之之說也。

東京賦

張衡

安處先生於是似不能言者。憮然有間。乃莞爾而笑曰。若客  
所謂。未學膚受貴耳。而賤日者也。苟有胸而無心。不能節之  
以禮。宜其陋矣。而繁古矣。由余以西戎孤臣。而慳穆公於宮  
室。如之何其。以溫故知新。研覈是非。近於此惑。周姬之末。不

能厥政。政用多僻。始於宮鄰。卒於金虎。羸氏搏翼。擇肉西邑。  
是時也。七雄蜂爭。競相高以奢麗。楚築章華於前。趙建叢臺  
於後。秦政利觜長距。終得擅場。思專其侈。以莫已若。乃構阿  
房。起甘泉。結雲閣。冠南山。征稅盡人力。殫然後收。以太半之  
賦。威以參夷之刑。其遇民也。若薙氏之芟草。旣蘊崇之。又行  
火焉。慄慄黔首。豈徒跼高天。踳厚地而已哉。乃救死於其頸。  
毆以就役。唯力是視。百姓不能忍。是用息肩於大漢。而欣戴  
高祖。高祖膺籙受圖。順天行誅。杖朱旗而建大號。所推必亡  
所存必固。掃項軍於垓下。繼子嬰於軹塗。因秦宮室。據其府  
庫。作洛之制。我則未暇。是以西匠營宮。目翫阿房。規摹踰溢。  
不度不減。損之又損。然尚過於周堂。觀者狹而謂之陋。帝已

譏其泰而弗康。且高既受命，建家造我區夏矣。文又躬自菲薄，治致升平之德。武有大啟土宇，紀禪肅然之功。宣重威以撫和戎狄，呼韓來享，咸用紀宗存主，饗祀不輟。銘勳彝器，歷世彌光。今捨純懿而論爽德，以春秋所諱而爲美談，宜無嫌於往初。故蔽善而揚惡，祇吾子之不知言也。必以肆奢爲賢，則是黃帝合宮，有虞總期，固不如夏癸之瑤臺，殷辛之瓊室也。湯武誰革，而用師哉。蓋亦覽東京之事，以自寤乎。且夫天子有道，守在海外，守位以仁，不恃隘害。苟民志之不諒，何云巖險與襟帶。秦負阻於一關，卒開項而受沛，彼偏據而規小，豈如宅中而圖大。昔先王之經邑也，掩觀九隩，靡地不營。土圭測景，不縮不盈，總風雨之所交，然後以建王城。審曲而勢

陰音愛

泝洛背河，左伊右瀍，西阻九河，東門于旋。盟津逢其後，太谷通其前。廻行道乎伊闕，邪徑捷乎轘轅。太室作鎮，揭以熊耳。底柱輟流，鐔以大岷。溫液湯泉，黑丹石緇。王鮪岫居，能鼈三趾。虞妃攸館，神用挺紀。龍圖授羲，龜書畀姒。召伯相宅，卜惟洛食。周公初基，其繩則直。長弘魏舒，是廓是極。經途九軌，城隅九雉。度堂以筵，度室以几。京邑翼翼，四方所視。漢初弗之宅也。故宗緒中圯，巨猾問豐，竊弄神器。歷載三六，偷安天位。于時蒸民罔敢，或貳其取威也重矣。我世祖忿之，乃龍飛白水，鳳翔參墟。授鉞四七，共工是除。櫬槍旬始，羣凶靡餘。區宇乂寧，思和求中。睿哲玄覽，都茲洛宮。日止日時，昭明有融。既光厥武，仁洽道豐。登岱勒封，與黃比崇。逮至顯宗，六合殷昌。

志音福

猶音勝

文選王文卷之十一

二十一

乃新崇德遂作德陽啟南端之特闢立應門之將將昭仁惠  
於崇賢抗義聲於金商飛雲龍於春路屯神虎於秋方建象  
魏之兩觀旌六典之舊章其內則含德章臺天祿宣明溢飭  
迎春壽安永寧飛閣神行莫我能形濯龍芳林九谷八溪芙蓉  
覆水秋蘭被涯渚戲躍魚淵游龜螭永安離宮脩竹冬青  
陰池幽流玄泉冽清鳴鵠秋棲鵲鳴春鳴雌鳩麗黃關關嚶  
嚶於南則前殿雲臺蘇驩安福諶門曲榭邪阻城洫奇樹珍  
果鉤角所職西登少華亭候修勅九龍之內寔曰嘉德西南  
其戶匪雕匪刻我后好約乃宴斯息於東則洪池清籟淶水  
澹澹內阜川金外豐葭菼獻鼈蜃與龜魚供蝸廡與菱芡其  
西則有平樂都場示遠之觀龍雀蟠蜿天馬半漢鬼異譎詭

吐覽反

政善本作教

疏音絲

燦爛炳煥奢未及侈儉而不陋現遵王度動中得趣於是觀  
禮禮舉義具經始勿亟成之不日猶謂爲之者勞居之者逸  
慕唐虞之茅茨思夏后之甲室乃營三宮布政頒常復廟重  
屋八達九房規天矩地授時順鄉造舟清池惟水泱泱左制  
辟雍右立靈臺因進距表賢簡能馮相觀禋祈禘禳災於  
是孟春元日羣后旁戾百僚師師于斯胥洎藩國奉聘要荒  
來質具惟帝臣獻琛執贄當覲於殿下者蓋數萬以二爾乃  
九賓重臚人列崇牙張鏞鼓設郎將司階虎戟交鍛龍輅充  
庭雲旗拂霓夏正三朝庭燎晷晷撞洪鐘伐靈鼓旁震八鄙  
軒轅隱訶若疾霆轉雷而激迅風也是時稱警蹕已下彫輦  
於東廂冠通天佩玉璽紆皇組要干將負斧辰次席紛純左

軒音耕反

文選正教卷之十一

十七

右玉几穆穆而南面以聽矣然後百辟乃入司儀辨等尊卑以班璧羔皮帛之贄既奠天子乃以三揖之禮禮之穆穆焉皇皇焉濟濟焉將將焉信天下之壯觀也乃羨公侯卿士登自東除訪萬機詢朝政勤恤民隱而除其害人或不得其所若已納之於隍荷天下之重任匪怠皇以寧靜發京倉散禁財賚皇僚逮輿臺命膳夫以大饗饗餼浹乎家陪春醴惟醇燔炙芬芬君臣歡康具醉薰薰千品萬官已事而竣勤屢省懋乾乾清風協於玄德醇化通於自然憲先靈以齊軌必三思以顧愆招有道於仄陋聞敢諫之直言聘丘園之耿絜旅束帛之芟芟上下通情式宴且盤及將祀天郊報地功祈福乎上玄思所以爲虔肅肅之儀蓋穆穆之禮殫然後以獻精

誠奉禋祀曰允矣天子者也乃整法服正冕帶珩紘紕纒玉筭其基會火龍黼黻藻繅鞶厲結飛雲之袷輅樹翠羽之高蓋建辰旒之太常紛焱悠以容裔六玄虬之奔奔齊騰驥而沛艾龍駟華轡金鏤鏤錫方鈇左纛鉤膺玉璫鑿聲噦噦和鈴缺缺重輪貳轄疏轂飛軫羽蓋歲蕤葩瑤曲莖順時服而設副咸龍旂而繁纓立戈迤曼農輿輅木屬車九九乘軒並轂旉弩重旃朱旄青屋奉引既畢先輅乃發鸞旗皮軒通帟綺旆雲罕九旂翳戟轆轉鬣髦被繡虎夫戴鷩駘承華之蒲梢飛流蘇之騷殺總輕武於後陳奏嚴鼓之嘈囂戎士介而揚揮戴金鉦而建黃鉞清道案列天行星陳肅肅習習隱隱麟麟殿未出乎城闕旆已迴乎郊畛盛夏后之致美爰恭敬於

班音福

明神爾乃孤竹之管。雲和之瑟。雷鼓鼗鼗。六變既畢。冠華秉翟。列舞八佾。元祀惟稱。羣望咸秩。颺燄燎之炎場。致高煙乎太一。神歆馨而顧德。祚靈主以元吉。然後宗上帝於明堂。推光武以作配。辨方位而正則。五精帥而來摧。尊赤氏之朱光。四靈懋而允懷。於是春秋改節。四時迭代。蒸蒸之心。感物增思。躬追養於廟祧。奉蒸嘗與禴祠。物牲辯省。設其福衡。毛魚豚胎。亦有和羹。滌濯靜嘉。禮儀孔明。萬舞奕奕。鐘鼓喤喤。靈祖皇考。來顧來饗。神具醉止。降福穰穰。及至農祥。晨正土膏。脉起乘鑿輅而駕蒼龍。介馭間以剡耜躬。三推於天田。修帝籍之千畝。供禘郊之粢盛。必致思乎勤已。兆民勸於疆場。咸懋力以耘耔。春日載陽。合射辟雍。設業設虞。宮懸金鑪。鼗鼓

初皆反

路鼗。樹羽幢幢。於是備物。物有其容。伯夷起而相儀。后夔坐而爲工。張大侯制五正。設三乏。匪司旌弁夾。旣設儲乎廣庭。於是皇輿夙駕。葦於東階。以須消啟。明掃朝霞。登天光於扶桑。天子乃撫玉輅。時乘六龍。發鯨魚鏗。萃鐘大丙。弭節風后。陪乘攝提。運衡徐至於射宮。禮事展樂。物具王夏。闕騶虞奏。決拾旣次。彫弓斯設。逢餘萌於暮春。昭誠心以遠喻。進明德而崇業。滌饗饗之貪欲。仁風衍而外流。誼方激而遐鷺。日月會於龍。飗恤民事之勞疚。因休力以息勤。致歡忻於春酒。執鑿刀以袒割。奉觴豆於國叟。降至尊以訓恭。送迎拜乎三壽。敬慎威儀。示民不偷。我有嘉賓。其樂愉愉。聲教布濩。盈溢天區。文德旣昭。武節是宣。三農之際。耀威中原。歲惟仲冬。大閱

飗音藤



善本此為

西園虞人掌馮先期戒事悉率百禽鳩諸靈囿獸之所同是  
謂告備乃御小戎撫輕軒中畋四牡既估且閑戈矛若林牙  
旗繽紛迄于上林結徒為營次和樹表司鐸授鉦坐作進退  
節以軍聲三令五申示戮斬牲陳師鞠旅教達禁成火烈具  
舉武士星敷鵝鶴魚麗箕張翼舒軌塵掩迹匪疾匪徐馭不  
詭遇射不翦毛升獻六禽時膳四膏馬足未極輿徒不勞成  
禮三毆解罟放麟不窮樂以訓儉不殫物以昭仁慕天乙之  
弛咎因教祝以懷民儀姬伯之渭陽失熊羆而獲人澤浸昆  
蟲威振八寓奸樂無荒允文允武薄狩于敖既瑣瑣焉岐陽  
之蒐又何足數爾乃卒歲大饗毆除羣癘方相秉鉞巫覡操  
芻侏子萬童丹首玄製桃弧棘矢所發無臬飛礮雨散剛瘳

必斃煌火馳而星流逐赤疫於四裔然後凌天池絕飛梁摧  
魑魅斯猶狂斬蛟蛇腦方良囚耕父於清泠溺女魃於神潢  
殘夔魑與罔象殪野仲而殲游光八靈為之震懼况魃與  
畢方度朔作梗守以鬱壘神荼副焉對操索葦目察區陬司  
執遺鬼京室密清罔有不避於是陰陽交和庶物時育卜征  
考祥終然允淑乘輿巡乎岱嶽勸稼穡於原陸同循律而一  
軌量齊急舒於寒燠省幽明以黜陟乃反旆而迴復望先帝  
之舊墟慨長思而懷古俟聞風而西遐致恭祀於高祖既春  
游以發生故諸蟄於潛戶度秋豫以收成觀豐年之多稔嘉  
田峻之匪懈勤致賚于九扈左瞰陽谷右睨玄圃眇天末以  
遠期規萬世而大摹且歸來以釋勞膺多福以安念總集瑞

命備致嘉祥。圉林氏之騶虞，擾澤馬與騰黃。鳴女牀之鸞鳥，舞丹穴之鳳皇。植華平於春圃，豐朱草於中唐。惠風廣被，澤洎幽荒。北燮丁令，南諧越裳。西包大秦，東過樂浪。重舌之人，九譯僉稽首而來王。是故論其遷邑，易京則同規乎殷盤。改奢卽儉，則合美乎斯干。登封降禪，則齊德乎黃軒。爲無爲事，無事永有。民以孔安，遵節儉尚素樸。思仲尼之克已，履老氏之常足。將使心不亂，其所在目不見。其可欲，賤犀象簡珠玉。藏金於山，抵璧於谷。翡翠不裂，璫瑁不族。所貴惟賢，所寶惟穀。民去末而反本，咸懷忠而抱慤。于斯之時，海內同悅。曰：吁。漢帝之德馨，侯其禕而蓋萸。莢爲難時也。故曠世而不覲，惟我后能植之。以至和平，方將數諸朝階。然則道胡不懷化，胡

不柔聲，與風翔澤。從雲遊萬物，我賴亦又何求。德寓天覆，滋裂光燭。狹三王之趨，越五帝之長驅。踵二皇之遐武，誰謂駕遲而不能屬。東京之懿未罄，值余有犬馬之疾，不能究其精許。故粗爲實言，其梗槩如此。若乃流遁忘反，放心不覺。樂而無節，後離其戚。一言幾於喪國，我未之學也。且夫挈餅之智，守不假器。况纂帝業而輕天位，瞻仰二祖。厥庸孔肆，常翹翹以危懼。若乘奔而無轡，白龍魚服。見困豫且，雖萬乘之無懼，猶怵惕於一夫。終日不離於輜重，獨微行其焉。如夫君人者，鞋纊塞耳，車中不內顧。珮以制容，鑿以節塗。行不變玉，駕不亂步。却走馬以糞車，何惜騾褭與飛兔。方其用財，取物常懼。生類之殄也，賦政任役，常畏人力之盡也。取之以道，用之

併音  
鹿音王

以時山無槎枿不麋胎草木繁無鳥獸阜滋民忘其勞樂  
輸其財百姓同於饒衍上下共其雍熙洪恩素蓄民心固結  
執義顧主夫懷貞節忿姦惡之于命怨皇統之見替玄謀設  
而陰行合二九而成譎登聖皇於天階章漢祚之有秩若此  
故王業可樂焉今公子苟好勦民以媮樂忘民怨之為仇也  
好殫物以窮寵忽下叛而生憂也夫水所以載舟亦所以覆  
舟堅冰作於履霜尋木起於蘖栽昧且不顯後世猶忘況初  
制於甚泰服者焉能改裁故相如壯上林之觀揚雄騁羽獵  
之辭雖系以頽墻填壑亂以收自解采卒無補於風規祇以  
昭其愆尤臣濟參以陵君忘經國之長基故函谷擊柝於東  
西朝廷顛覆而莫持凡人心是所學體安所習鮑肆不知其

善本無朝下  
無廷字

臭翫其所以先入咸池不齊度於畫交而衆聽者惑疑能不  
惑者其唯子野乎客既醉於大道飽於文義勸德畏戒喜懼  
交爭罔然若醒朝疲夕倦奪氣虜鬼之為者也忘其所以為  
談失其所以為夸良久乃言曰鄙哉予乎予習非而遂迷也  
幸見指南於吾子若僕所聞華而不實先生之言信而有徵  
鄙夫寡識而今而後乃知大漢之德馨咸在於此昔常恨三  
墳五典既泯仰不覩炎帝帝魁之美得聞先生之餘論則大  
庭氏何以尚茲走雖不敏庶斯達矣

南都賦

張衡

於顯樂都既麗且康陪京之南居漢之陽割周楚之豐壤跨  
荆豫而為疆體爽塏以閑敞紛郁郁其難詳爾其地勢則武

闕關其西桐栢揭其東流滄浪而爲隍廓方城而爲墉湯谷  
涌其後清水盪其胸推淮引滯三方是通其實利珍惟則金  
彩玉璞隨珠夜光銅錫鉛錯赭堊流黃綠碧紫英青腹丹粟  
太一餘糧中黃穀玉松子神陂赤靈解角耕父揚光於清冷  
之淵游女弄珠於漢臯之曲其山則崆峒嶠嶧嶧嶧嶧嶧嶧  
峇嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽  
爾而中絕鞠魏魏其隱天俯而觀乎雲霓若夫天封大狐列  
仙之取上平衍而曠蕩下蒙籠而崎嶇坂坻截辭而成巖谿  
壑錯繆而盤紆芝房菌蠶生其隈玉膏密溢流其隅崑崙無  
以參閻風不能踰其木則檉松栝椶椶栢杻樞楓柙櫨樞帝  
女之桑楸栢栢栢栢栢栢栢栢栢栢栢栢栢栢栢栢栢栢栢栢栢  
栢栢栢栢栢栢栢栢栢栢栢栢栢栢栢栢栢栢栢栢栢栢栢栢栢

萋萋敷華榮之蓑蓑玄雲合而重陰谷風起而增哀攢立叢  
駢青冥盱眙杏藹鬱於谷底森尊尊而刺天虎豹黃熊游  
其下豸獮狻狷戲其巔鸞鷲鷓鴣翔其上騰猿飛獼棲其間  
其竹則籊籊篔簹篔簹篔簹篔簹篔簹篔簹篔簹篔簹篔簹篔簹  
風靡雲披爾其川瀆則澶澶濼濼濼濼濼濼濼濼濼濼濼濼濼濼  
澶濼布濩漫汗滂沱洋溢總括趣欲箭馳風疾流湍投戢砢  
汎翻軋長輪遠逝溲淚滅汨其水蟲則有蠓龜鳴蚺潛龍伏  
螭鯢鱣鱣鱣鱣鱣鱣鱣鱣鱣鱣鱣鱣鱣鱣鱣鱣鱣鱣鱣鱣鱣鱣  
鉗盧玉池赭陽東陂貯水滄滄巨望無涯其草則有蔗芋蘋  
莞蔣菰蒹葭藻荇菱芡芙蓉含華從風發榮菲披芬葩其鳥  
則有鴛鴦鵝鷺鴻鵠鴛鴦鷓鴣鷓鴣鷓鴣鷓鴣鷓鴣鷓鴣鷓鴣鷓鴣  
鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣

淡隨波其水則開竇灑流浸彼稻田溝澮脈連堤塍相轄朝  
雲不興而潢潦獨臻決滌則曠為漑為陸冬稔夏穡隨時代  
熟其原野則有桑漆麻苧菽麥稷黍百穀蕃庶翼與與若  
其園圃則有蓼葳荷藟蔗薑播薪蓂芋瓜乃有櫻梅山楸  
侯桃梨栗棗若櫛穰橙鄧橘其香草則有薜荔蕙若薇蕪  
蓀萇掩暇翁蔚含芬吐芳若其厨膳則有華薌重秬滷臯香  
秬歸鴈鳴鷓黃稻鱸魚以為芍藥酸甜滋味百種千名春卯  
夏筍秋韭冬菁蘇菘紫薑拂微羶腥酒則九醞甘醴十旬兼  
清醪敷徑寸浮蟻若萍其甘不爽醉而不醒及其糾宗綏族  
禴祠蒸嘗以速速朋嘉賓是將揖讓而升宴于蘭堂珍羞琅  
玕充溢圓方琢珣狎獵金銀琳琅侍者蠱媚巾幘鮮明被服

雜錯履躡萃英僂才齊敏受爵傳觴獻酬既交率禮無違彈  
琴振箏流風徘徊清角發徵聽者增哀客賦醉言歸主稱露  
未晞接歡宴於日夜終愷樂之令儀於是暮春之禊元巳之  
辰方軌齊軫被于陽瀕朱帷連網曜野映雲男女妓服駉驛  
續紛致飾程蠱僂紹便娟微眇流睇蛾眉連卷於是齊僮唱  
兮列趙女坐南歌兮起鄭舞白鶴飛兮繭曳緒脩袖繚繞而  
滿庭羅襪躡躑躅而容與翩絲絲其若絕眩將墜而復舉翹遙  
遷延蹀躞躡躑躅結九秋之增傷怨西荆之折盤彈箏吹笙更  
為新聲寡婦悲吟鷓鴣哀鳴坐者悽欷蕩竟傷情於是羣士  
放逐馳乎沙場駉驥齊鑣黃間機張足逸驚飈鋌析毫芒俯  
貫魴鱖仰落雙鷓魚不及窺鳥不暇翔爾乃撫輕舟兮浮清

情善作精  
不心

收錄在文選卷之一

廿八

池亂北渚兮揭南涯。汰澆滯兮船容。裔陽侯澆兮掩鳧鷖。追  
水豹兮鞭蝮蝮。憚夔龍兮怖蛟螭。於是日將逮昏。樂者未荒。  
收歡命駕兮分背迴塘。車雷震而風厲。馬鹿超而龍驤。夕暮言  
歸。其樂難忘。斯乃游觀之好。耳目之娛。未覩其美者焉。足稱  
舉夫南陽者。真所謂漢之舊都也。遠世則劉后甘厥。龍醢視  
魯縣而來。遷奉先帝而追孝。立唐祀於堯山。固靈根於夏葉。  
終三代而始蕃。非純德之宏圖。孰能揆而處。旃近則考侯思  
故匪居。匪寧穢長沙之無樂。歷江湖而北征。曜朱光於白水。  
會九世而飛榮。察茲邦之神偉。啓天心而寤靈。於是宮室則  
有園廬舊宅。隆崇崔嵬。御房穆以華麗。連閣煥其相微。聖皇  
之所逍遙。靈祇之所保綏。章陵鬱以青蔥。清廟肅以微微。皇

祖歆而降福。彌萬祀而無衰。帝王臧其擅美。詠南音以顧懷。  
且其君子弘懿明敞。允恭溫良。容止可則。出言有章。進退屈  
申。與時抑揚。方今天地之睢刺。帝亂其政。豺虎肆虐。真人革  
命之秋也。爾其則有謀臣武將。皆能攬戾執猛。破堅摧剛。排  
捷陷局。楚蹈咸陽。高祖階其塗。光武攬其英。是以關門反距。  
漢德久長。及其去危。乘安視人。用遷周召之儔。據鼎足焉。以  
庀王職。搢紳之倫。經綸訓典。敷納以言。是以朝無闕政。風烈  
昭宣也。於是乎鯢齒眉壽。鮒背之叟。皤皤然被黃髮者。喟然  
相與歌曰。望翠華兮歲。建太常兮徘徊。駟飛龍兮駸駸。振  
和鑿兮京師。總萬乘兮徘徊。按平路兮來歸。豈不思天子南  
巡之辭者哉。遂作頌曰。皇祖止焉。光武起焉。據彼河洛。統四

海焉。本枝百世。位天子焉。永世克孝。懷桑梓焉。真人南巡。觀舊里焉。

三都賦序

左思

蓋詩有六義焉。其二曰賦。楊雄曰。詩人之賦。麗以則。班固曰。賦者。古詩之流也。先王採焉。以觀土風。見綠竹猗猗。則知衛地。淇澳之產。見在其版屋。則知秦野。西戎之宅。故能居然而辨。八方。然相如賦。上林。而引盧橘。夏熟。楊雄賦。甘泉。而陳玉樹。青蔥。班固賦。西都。而歎以出比目。張衡賦。西京。而述以游海。若假稱珍。恠以爲潤色。若斯之類。匪啻於茲。考之果木。則生非其壤。校之神物。則出非其所。於辭。則易爲藻飾。於義。則虛而無徵。且夫玉卮無常。雖寶非用。侈言無驗。雖麗非經。而

論者莫不詆訾。計其研精作者。大氏舉爲憲章。積習生常。有自來矣。予旣思摹二京。而賦三都。其山川城邑。則稽之地圖。鳥獸草木。則驗之方志。風謠歌舞。各附其俗。魁梧長者。莫非其舊。何則。發言爲詩者。詠其所志也。升高能賦者。頌其所見也。美物者。貴依其本。讚事者。宜本其實。匪本匪實。覽者奚信。且夫任土作貢。虞書所著。辨物居方。周易所慎。聊舉其一隅。攝其體統。歸諸詰訓焉。

蜀都賦

有西蜀公子者。言於東吳王孫曰。蓋聞天以日月爲綱。地以四海爲紀。九土星分。萬國錯峙。嶠函有帝王之宅。河洛爲王者之里。吾子豈亦曾聞蜀都之事歟。請爲左右揚摧。而陳之。





而不朽若乃剛悍生其方風謠尚其武奮之則賓旅翫之則  
渝舞銳氣剽於中葉躡容世於樂府於西則右挾岷山涌瀆  
發川陪以白狼夷歌成章垌野草昧林麓黝靄交讓所植蹲  
鴟所伏百藥灌叢寒卉冬馥異類衆夥于何不有其中則有  
青珠黃環碧砮芒消或豐綠萸或蕃丹椒蘼蕪布漑於中阿  
風連莖蔓於蘭臯紅葩紫飾柯葉漸苞敷葉歲蕤落英飄飄  
神農是嘗盧附是料芳追氣邪味蠲癘疢其封域之內則有  
原隰墳衍通望彌博演以潛沫浸以緜洛溝洫散疆里綺  
錯黍稷油油稷稻莫莫指渠口以爲雲門灑漉池而爲陸澤  
雖畢星之滂沱尚未齊其膏液爾乃邑居隱賑夾江傍山棟  
宇相望桑梓接連家有鹽泉之井戶有橘柚之園其園則有

林檎枇杷橙柿棗榔桃函列梅李羅生百果甲宅異色同  
榮朱櫻春熟素柰夏成若乃大火流涼風厲白露凝微霜結  
紫梨津潤檟栗罇發蒲桃亂潰石榴競裂甘至自零芬芳酷  
烈其圃則有蒟蒻茱萸瓜疇芋區甘蔗辛薑陽蒞陰敷日往  
菲薇月來扶疎任土所麗衆獻而儲其沃瀛則有攢蔣叢蒲  
綠菱紅蓮雜以蒹藻糝以蘋繁總莖柅柅衰葉蓊蓊實時  
味王公羞焉其中則有鴻儔鵠侶鷺鷥鵝鳩晨鳧旦至候鴈  
銜蘆木落南翔冰泮北徂雲飛水宿唳吭清渠其浚則有白  
鼉命鼈玄獺上祭鱣鮪鱒魴鯉鯢鯢差鱗次色錦質報章  
躍濤戲瀨中流相忘於是乎金城石郭兼市中區旣麗且崇  
實號成都闢二九之通門畫方軌之廣塗營新宮於爽塏擬

市  
然  
皆  
難  
輒  
文  
本  
云

承明而起廬結陽城之延閣飛觀榭乎雲中開高軒以臨山  
列綺窻而瞰江內則議殿爵堂武義虎威宣化之闈崇禮之  
闈華闕雙邈重門洞開金鋪交映玉題相暉外則軌躅八達  
里閤對出比屋連甍千廡萬室亦有甲第當衢向術壇宇顯  
敞高門納駟庭扣鐘磬堂撫琴瑟匪葛匪姜疇能是恤亞以  
少城接乎其西市鄜所會萬商之淵列隧百重羅肆巨千賄  
貨山積纖麗星繁都人士女袷服靚粧賈貿帶鬻舛錯縱橫  
異物詭譎奇於八方布有幢華麴有枕榔叩杖傳節於大夏  
之邑菡醬流味於番禺之鄉輿輦雜沓冠帶混并累轂疊跡  
叛衍相傾誼譁鼎沸則哢聒宇宙囂塵張天則埃塏曜靈闈  
闈之裏伎巧之家百室離房機杼相和貝錦斐成濯色江波

黃潤比筒籊金所過侈侈隆富卓鄭埒名公擅山川貨殖私  
庭藏鏹巨萬鈔規兼呈亦以財雄翕習邊城三蜀之豪時來  
時往養交都邑結儔附黨劇談戲論扼腕抵掌出則連騎歸  
從百兩若其舊俗終冬始春吉日良辰置酒高堂以御嘉賓  
金罍中坐肴核四陳觴以清醪鮮以紫鱗羽爵執競絲竹乃  
發巴姬彈絃漢女擊節起西音於促柱歌江上之颯厲紆長  
袖而屢舞翩躚躑以裔裔合樽促席引滿相罰樂飲今夕一  
醉累月若夫王孫之屬邵公之倫從禽於外巷無居人竝乘  
驥子俱服魚文玄黃異技結駟續紛西踰金隄東越玉津朔  
別晦期匪日匪旬蹙躡蒙籠涉躑寥廓鷹犬倏呻尉羅絡幕  
毛羣陸離羽族紛泊翕響揮霍中網林薄屠麋麋翦旄塵帶

文虵跨彫虎志未騁時欲晚追輕翼赴絕遠出彭門之闕馳  
九折之坂經三峽之崢嶸躡五岬之蹇澹戟食鐵之獸射噬  
毒之鹿晶龜岷於萋草彈言鳥於森木拔象齒屣犀角鳥鍛  
翮獸廢足殆而竭來相與第如滇池集乎江洲試水客艤輕  
舟娉江妻與神游罨翡翠釣鯁鮪下高鵠出潛蚪吹洞簫發  
權謳感鱣魚動陽侯騰波沸涌珠貝沈浮若雲漢含星而光  
耀洪流將饗獠者張帟幕會平原酌清醕割芳鮮飲御酣賓  
旅旋車馬雷駭轟轟闐闐若風流雨散漫乎數百里之間斯  
蓋宅土之所安樂觀聽之所踊躍也焉獨三川爲世朝市若  
乃卓犖奇譎倜儻罔已一經神恠一緯人理遠則岷山之精  
上爲井絡天帝運期而會昌景福盼蠶而興作碧出萇弘之  
血鳥生杜宇之鬼妄變化而非常嗟見偉於疇昔近則江漢  
炳靈世載其英蔚若相如嚼若君平王褒擘擘而秀發楊雄  
含章而挺生幽思紉道德摘藻揆天庭考四海而爲雋當中  
葉而擅名是故游談者以爲譽造作者以爲程也至乎臨谷  
爲塞因山爲障峻阻塍埒長城豁險吞若巨防一人守隘萬  
夫莫向公孫躍馬而稱帝劉宗下輦而自王由此言之天下  
孰尚故雖兼諸夏之富有猶未若茲都之無量也

文選正文卷之一



